


Набий алайҳиссаломнинг умматга хитоблари | Ҳадис дарслари (273-дарс)



19:00 / 13.03.2024 3501

هُنَعُ هَلْ لَّا يَضَرَّ ةَمَامُ أَيَبَا نَع
هَلْ لَّا لُوسَرُّ تُعَمَسَ : لَاق
مَلَسَ وَهَيْلَعُ هَلْ لَّا يَلَص
عَادُولًا ةَجَحِي فُبُطَخِي

أُولَٰصَوَّ، هَلَلَا أُوقَّتَا: لَاقَفَ
مُكْرَهَشٍ أَوْمُوصَوَّ، مُكْسَمَخِ
أُوْعِي طَأَوَّ، مُكَلِ أَوْمَأَ ةَاكَزِ أُوْدَأَوَّ
مُكِبَّرَ ةَنْجِ أُولُخَدَتِ مُكِرْمَأِ أَذِ

Абу Умома розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг видолашув ҳажида хутба қилиб:

«Аллоҳга тақво қилинглар. Беш (вақт намоз)ингизни ўқинглар, (Рамазон) ойингиз(нинг рўзаси)ни тутинглар, молларингизнинг закотини беринглар ва ишбошингизга итоат этинглар, Роббингизнинг жаннатига кирурсиз», деганларини эшитдим».

Шарҳ: Маълумки, видолашув ҳажи Пайғамбаримиз соллаллоҳу алайҳи васаллам умрларининг охирида бўлган. Ўша ҳажда у зот ҳамма билан видолашганлар, **«Эҳтимол, бу йилдан кейин сиз билан учрашмасман»**, деганлар.

Дарҳақиқат, Расули акрам соллаллоҳу алайҳи васаллам ўша ҳаждан кейин вафот этдилар. У зот ана шу видолашув ҳажида кўплаб пурмаъно ваъз-насихат, хутба ва васиятлар қилганлар. Ушбу ҳадисда ҳам улардан айримлари айтилмоқда.

Пайғамбаримиз соллаллоҳу алайҳи васаллам умматларига хитоб этиб:

«Аллоҳга тақво қилинглар»;

«Беш (вақт намоз)ингизни ўқинглар»;

«(Рамазон) ойингиз(нинг рўзаси)ни тутинглар»;

«Молларингизнинг закотини беринглар»;

«Ишбошингизга итоат қилинглар»;

«Роббингизнинг жаннатига кирурсиз» дедилар.

Инсоннинг жаннатга кириши учун адо этиши зарур саналган ана ўша нарсалар ичида намознинг биринчи бўлиб зикр қилиниши унинг қанчалик аҳамиятли ибодат эканлигини кўрсатмоқда.

«Ҳадис ва ҳаёт» китобининг 4-жузи асосида тайёрланди.